



AQA

CCEA

OCR

Pearson

CBAC

## Canllawiau ynghylch trefniadau mynediad/addasiadau rhesymol pan fydd ymgeisydd yn newid canolfan

Mae'r CGC a'r cyrff dyfarnu sy'n aelodau o'r CGC sy'n cynnig cymwysterau TAG a TGAU yn deall yn llawn yr heriau y mae canolfannau'n eu hwynebu, yn enwedig colegau, wrth ymdrin â gweinyddu trefniadau mynediad ac addasiadau rhesymol lle mae ymgeisydd wedi symud canolfannau ôl 16. Mae hyn yn arbennig o wir ar gyfer yr ymgeiswyr hynny sy'n ailsefyll cymwysterau TGAU Saesneg Iaith a/neu Fathemateg. Yn aml, ychydig o wybodaeth fydd gan y coleg am anghenion yr ymgeisydd ac ychydig o amser fydd gan y coleg i gasglu tystiolaeth briodol cyn ailsefyll TGAU.

Mae cadernid a thegwch yn ofynion hanfodol o ran cynnal uniondeb y broses. Dylai'r trefniant/trefniadau ond gael ei ddyfarnu i'r ymgeiswyr hynny sy'n bodloni'r meini prawf cyhoeddus, gyda'r dystiolaeth ofynnol yn ei lle.

### Lleihau biwrocratiaeth a baich

Un o nodau allweddol y CGC a'r cyrff dyfarnu sy'n aelodau o'r CGC yw lleihau'r baich gweinyddol ar ysgolion a cholegau. Dros yr un mlynedd ar ddeg diwethaf rydym wedi cymryd camau sylweddol i leihau biwrocratiaeth a baich.

Yn bennaf:

- drwy ddirprwyo dau ar bymtheg o **drefniadau mynediad/addasiadau rhesymol** i ganolfannau. **Nid oes** angen cais ar-lein ar drefniadau o'r fath nac, yn y rhan fwyaf o achosion, unrhyw dystiolaeth o angen. Mae'r Cydlynnydd AAA, neu aelod cyfatebol o staff, wedi'i rymuso ar lefel leol i benderfynu pa mor briodol a rhesymol yw'r trefniant;
- drwy gyflwyno *trefniadau mynediad ar-lein*, mae'r broses o wneud cais am drefniadau mynediad/addasiadau rhesymol wedi'i symleiddio. Caiff tua 90% o geisiadau eu cymeradwyo'n awtomatig gan y system ar-lein lle mae'r ymgeisydd yn bodloni'r meini prawf cyhoeddus ar gyfer y trefniant/trefniadau;
- os oes gan ymgeisydd anhawster dysgu wedi'i gadarnhau, gyda Ffurflen 8 wedi'i chwblhau'n llawn, a bydd yn parhau i fod angen **25% o amser ychwanegol** a/neu **ysgrifennydd**, gellir trosglwyddo'r Ffurflen 8 o un ganolfan i'r llall.

## **Pa wiriadau sydd angen eu gwneud pan dderbynnir Ffurflen 8 o ganolfan arall?**

Er enghraifft, pan fo coleg yn derbyn Ffurflen 8 wedi'i chwblhau'n llawn gan ysgol, **rhaid** i'r gwiriadau canlynol gael eu gwneud gan y Tîm Anghenion Ychwanegol/Cefnogaeth Dysgu:

- A yw Rhan 1 o Ffurflen 8 wedi'i chwblhau? A oes digon o wybodaeth yn Rhan 1 sy'n dangos darlun o angen a ffordd arferol o weithio'r ymgeisydd?
- A yw Rhan 2 o Ffurflen 8 wedi'i chwblhau?
- A yw Rhan 3 o Ffurflen 8 wedi'i chwblhau?
- A yw'r profion a gofnodir yn Rhan 2 o Ffurflen 8 yn gyfredol, yn briodol i oedran ac wedi'u safoni'n genedlaethol?
- A gafodd yr ymgeisydd ei asesu yn ddim cynharach na dechrau Blwyddyn 9?
- A yw Rhan 2 o Ffurflen 8 wedi'i llofnodi a'i dyddio gan yr aseswr?
- A ddarparwyd tystiolaeth fod gan yr aseswr, o leiaf, gymhwyster ôl-raddedig mewn asesu arbenigol unigol ar Lefel 7 neu gyfwerth?
- A yw Rhan 3 o Ffurflen 8 wedi'i llofnodi a'i dyddio gan y Cydlynnydd AAA?

Byddai'r gwiriadau uchod yn berthnasol yn yr un modd pan fydd ymgeisydd yn trosglwyddo i ysgol wahanol ar ddechrau Blwyddyn 12.

## **A ddylai'r Cydlynnydd AAA, neu aelod cyfatebol o staff, gynhyrchu pro fforma i ddangos bod Rhannau 1, 2 a 3 o Ffurflen 8 wedi'u gwirio?**

Gall y Cydlynnydd AAA, neu aelod cyfatebol o staff, gynhyrchu pro fforma syml sy'n dangos bod Rhannau 1, 2 a 3 o Ffurflen 8 wedi'u gwirio a bod y ffurflen mewn trefn. Fodd bynnag, mae archwiliad gweledol trylwyr o Ffurflen 8 yn gwbl dderbyniol.

## **Beth yw'r broses ar gyfer ailsefyll TGAU?**

Gyda'r newidiadau i'r meini prawf cyhoeddedig ar gyfer 25% o amser ychwanegol o 1 Medi 2021, mae'n bwysig nad yw ymgeiswyr sydd â chais ar-lein a gymeradwywyd yn flaenorol am 25% o amser ychwanegol o dan anfantais os ydynt yn dymuno gwella ar ganlyniad TGAU a ddyfarnwyd yn flaenorol yn ystod blwyddyn academaidd 2021/22.

Os yw ymgeisydd yn dymuno cael ei gofrestru ar gyfer arholiadau TGAU yng **ngyhres arholiadau Hydref 2021 neu Fehefin 2022** i wella ar radd flaenorol, gall y Cydlynnydd AAA, neu aelod cyfatebol o staff, drosglwyddo'r dystiolaeth sy'n bodoli'n barod, gan gynnwys Ffurflen 8. Gellir parhau i ddyfarnu 25% o amser ychwanegol i'r ymgeisydd yn seiliedig ar y meini prawf blaenorol o un sgôr safonedig o leiaf yn is na'r cyfartaledd o 84 neu lai.

Os yw'r Cydlynnydd AAA, neu aelod cyfatebol o staff, yn fodlon bod yr angen am y trefniant yn dal i fodoli, yna **nid oes rhaid** ailasesu'r ymgeisydd. Gellir trosglwyddo Ffurflen 8 i gefnogi cais ar-lein newydd am **25% o amser ychwanegol** a/neu ysgrifennydd. Fodd bynnag, **rhaid** i'r ganolfan brosesu cais ar-lein newydd gan ddefnyddio *trefniadau mynediad ar-lein* a rhaid i'r ymgeisydd lofnodi ffurflen gydsynio data personol ymgeisydd newydd.

Ar gyfer ymgeisydd sydd angen 25% o amser ychwanegol, rhaid cynnwys darlun manwl o angen wedi'i ddiweddarau gyda Ffurflen 8. Y darlun manwl o angen wedi'i ddiweddarau yw un darn o dystiolaeth newydd wedi'i dynnu o:

- sampl o brofion mewnl/ffug arholiadau yn dangos defnyddio'r amser ychwanegol; neu
- IEP/ILP yn cyfeirio at yr angen am amser ychwanegol; neu
- sylwadau ac arsylwadau gan staff addysgu yn nodi pam y mae angen amser ychwanegol ar yr ymgeisydd a sut y mae ef/hi'n defnyddio'r amser ychwanegol hwnnw.

**Nid oes angen** tystiolaeth gan y ganolfan wedi'i diweddarau ar gyfer ysgrifennydd.

Ar gyfer ymgeisydd sydd angen **darllenydd cyfrifiadur/darllenydd**, rhaid cynhyrchu nodyn ffeil cryno yn ymwneud â'r ganolfan newydd. **Rhaid** i'r ganolfan brosesu cais ar-lein newydd gan ddefnyddio *trefniadau mynediad ar-lein* a rhaid i'r ymgeisydd lofnodi ffurflen gydsynio data personol ymgeisydd newydd.

### **Beth yw'r dyddiad cau ar gyfer prosesu ceisiadau ar gyfer ailsefyll TGAU ym mis Tachwedd?**

Er mwyn cynorthwyo colegau ymhellach, mae'r dyddiad cau ar gyfer prosesu trefniadau mynediad ar gyfer cyfres TGAU Tachwedd wedi'i ymestyn i 1 Tachwedd. Gellir gwneud ceisiadau hwyr ar ôl 1 Tachwedd, lle bo angen, ar yr amod bod yr ymgeisydd yn bodloni'r meini prawf cyhoeddedig ar gyfer y trefniant (trefniadau) a bod y dystiolaeth ofynnol yn ei lle **cyn** prosesu cais ar-lein.

### **A oes angen gwaith papur ychwanegol pan fydd ymgeisydd yn symud o gymwysterau TGAU i TAG Safon Uwch?**

Yn ogystal â'r Ffurflen 8 sydd wedi'i chwblhau'n llawn, rhaid i'r Cydlynnydd AAA, neu aelod cyfatebol o staff, gynhyrchu tystiolaeth gan y ganolfan. Rhaid i hyn gadarnhau bod 25% o amser ychwanegol a/neu ysgrifennydd yn parhau i fod yn ffordd arferol yr ymgeisydd o weithio. Ceir y dystiolaeth gan staff addysgu bod gan yr ymgeisydd anawsterau parhaus a sylweddol, a bod y rhain yn effeithio'n sylweddol ar addysgu a dysgu. Rhaid i ddarlun manwl o angen wedi'i ddiweddarau hefyd gael ei gynnwys â Ffurflen 8 (gweler cyhoeddiad y CGC *Trefniadau Mynediad ac Addasiadau Rhesymol*).

Os yw ymgeisydd yn dechrau cwrs TAG UG blwyddyn neu gwrs TAG Safon Uwch dwy flynedd ym mis Medi 2021, **rhaid** i'r Cydlynnydd AAA, neu aelod cyfatebol o staff, wirio bod yr ymgeisydd yn bodloni'r meini prawf cyhoeddedig **cyfredol** am 25% o amser ychwanegol, h.y. rheoliadau CGC 2021/22, **cyn** prosesu cais ar-lein newydd am 25% o amser ychwanegol.

Rhaid i'r ymgeisydd lofnodi ffurflen gydsynio data personol ymgeisydd newydd.

## **A oes unrhyw fathau eraill o gymwysterau wedi'u cynnwys?**

Lle mae'r holl wiriadau gofynnol a restrir ar **dudalen 2** wedi'u gwneud, gellir defnyddio Ffurflen 8 wedi'i chwblhau'n llawn i brosesu cais ar-lein am **25% o amser ychwanegol** a/neu **ysgrifennydd** ar gyfer y mathau canlynol o gymwysterau sy'n dod o dan reoliadau'r CGC a *threfniadau mynediad ar-lein*:

- Cymwysterau Cyffredinol Cymhwysol AQA
- Cymwysterau Technegol Lefel 1, Lefel 2 a Lefel 3 AQA
- FSMQ
- Cymwysterau Cenedlaethol Caergrawnt OCR
- Cymwysterau Technegol Caergrawnt OCR
- Tystysgrifau Lefel 3 OCR
- Cymwysterau Cyffredinol Lefel 1 a Lefel 2 CBAC
- Cymwysterau Galwedigaethol Lefel 1 a Lefel 2 CBAC
- Cymwysterau Cymhwysol Lefel 3 CBAC

Ar gyfer **cymwysterau Lefel 3**, **rhaid** cynhyrchu tystiolaeth gan y ganolfan wedi'i diweddarau, fel uchod – gweler cyhoeddiad y CGC *Trefniadau Mynediad ac Addasiadau Rhesymol*.